

Timor-Leste marka istória dahuluk halo perfurasau mina iha rai-maran



Manager Country Timor Resources, Filomino Andrade. Imajen Tatoli/Celestina Teles.

COVALIMA, 27 outubro 2021 (TATOLI)—Manager Country Timor Resources, Filomino Andrade, hateten Timor-Leste marka primeira istória importante hodi halo perfurasau mina iha rai-maran.

“Ami agradese, ita-bo’ot sira hamutuk hodi marka istória importante kona-ba perfurasau dahuluk mina iha rai maran iha Timor Leste,” Filomino Andrade dehan liuhosi nia diskursu ba lansamentu perfurasau mina-matan, iha Aeroportu Internasional Kay Rala Xanana Gusmão, kuarta ne’e.

Tanba ne’e, nia hateten, Timor Resources sei kaer metin kompromisu ho Governu Timor-Leste liuhosi Autoridade Nasionál no petróleu (ANPM) hala’o perfurasau mina iha Covalima hamutuk no parseiru Timor GAP.

Maske durante ne’e hasoru dezafiu iha prosesu esplorasau mina hodi halo perfurasau ba mina maibe ohin loron bele halo perfurasau mina iha fatin ne’e.

Lansamentu perfurasau mina ho gas ba posu Feto Kmaus iha area kontratu PSC TL-OT-17-08 Covalima, PCS- TL-OT-17-09 Área Kontratu Manu Fahi ho Aínaro ne’ebè mak Governu Timor-Leste liuhosi ANPM hala’o asina ho Timor Resources Pty.Ltd (TR) hanesan operador ho nia parseiru Timor GAP Onshore Block, Unipessoal LDA (Timor GAP) iha tinan 2017.

Kontratu ne'ebé iha hatur kompromisu Timor Resources no Timor Gap atu halo perfurasaan mínimu posu peskiza ho no profundo metru 2000 vertikalmente ka posu lubuk balun ho profundo komulativu metru 2000 vertikalmente área kontratu PSC TL-OT-17-08 Covalima, no posu peskiza ida ho profundo hanesan iha área kontratu PCS-TL-OT-17-09 Área kontratu Manu Fahi ho Aínaro posu kontijénsia ida iha kada bloku.

Administradór Munisípiu Covalima, Francisco De Andrade, orgullu no agradese ba VIII Governu Konstitusionál ne'ebé konkretiza mehi ida-ne'e.

“Ha'u husu ba VIII Governu atu loke tan liras bainhira perfurasaun mina hetan ona susesu, bele mós buka tan iha fatin seluk. Tanba, Timor-Leste nia riku natureza la'ós de'it iha rai maran maibé iha fronteira mós iha. Durante ne'e, seguransa sira mak labelo halo patrulla ho di'ak tanba la asesu estrada,” nia dehan.

Hahú peskiza iha tinan 2017

Iha tinan 2017, ekipa konjunta hosi Timor Gás no Petróleu, Empreza Públka (Timor GAP, E.P) no empreza australiana Timor Resources, Pty Ltd hahú halo peskiza jeolójiku no estudu iha bloku rua no estudu sira seluk.

Enkuantu iha outubru 2018 hala'o teste sízmiku sira iha bloku A, ne'ebé empreza uza ona sistema vibroseis hanesan alternativu ida atu kontrola hosi teste sízmiku sira, enkuantu bloku C hala'o ona teste iha outubru 2018 iha zona Betano (entre Alas ho Hatudu) ho teste vibroseis.

Perfurasaan posu rua iha bloku A, idai-dak hosi perfurasaan iha shallow-field to'o metru 2.000 ho ninia kalkulasaun kustu serbisu to'o milaun \$35.

Tuir planu, perfurasaan mina-matan lima iha rai-maran iha área Suai-Covalima no Betano-Manufahi, ba dahuluk realiza iha Covalima no bainhira susesu ho produsaun mina maka sei kontinua ba kontinua ba posu ida iha Foho Ailiku (baliza entre Same ho Ainaro).

Bloku A iha munisípiu Covalima no Maliana no Bloku C iha munisípiu sira Manufahi no Ainaro, ne'ebé halo parte ona iha rejime hosi kontratu sira partilla ho Timor Resources, ne'ebé halo parte hosi Nepean Group.

Bloku B ba Timor GAP, E.P Onshore Block, ne'ebé hanesan subsidiáriu ida hosi empreza públka petrolífera Timor-Leste.

Iha projetu ne'e, Timor GAP, E.P mak eskluзивu 100% hanesan operadór ne'ebé sei konvida operadór petrolífera hodi partisipa iha projetu perfurasaan rai-maran.

Planu inisiál ba projetu perfurasaan rai-maran ba tinan-hitu, ne'ebé esplorasau prévia liuhosi peskiza tinan rua, hosi tinan daruak ba datoluk hahú ho perfurasaan, tinan dahaat kompleta estudu hosi kapasidade sira no, nune'e bainhira planu hotu la'o tuir predisaun maka tinan dalimak ba oin iha possibilidade hahú esplorasau.

Kontratu partilla produsaun iha bloku rua

Antes realiza projetu mina no gás iha Tasi Mane inklui perfurasaun mina-matan iha rai-maran ne'e, Autoridade Nasionál Petróleu no Minerál (ANPM) prepara ona kontratu partilla produsaun rua, ida iha munisípiu Covalima no seluk iha Manufahi, ne'ebé bloku iha Covalima iha nível avansadu ne'ebe hahu ona perfurasaun.

Enkuantu, atividade iha bloku Manufahi la'ona no téniku hosi Timor Resources no Timor GAP, E.P halo estudo potencialidade mina iha área identifikadu rua.

Iha tinan 2015, liuhosi Konsellu Ministru hasai rezolusaun ne'ebé fó dalan ba Timor GAP, E.P hanesan empreza estatál ba mina, atubele buka parseiru, tanba ne'e iha tinan 2016 konsege lori Timor Resources hodi ko'alia ho Governu hanesan parseiru ba projetu petrolífera.

Parte rua hanesan parseiru fahe partisipasaun (asaun) 50% no hosi parseria maka to'o ikus selebra kontratu produsaun hanaran Product Sharing Contract (PSC) lokaliza iha Covalima no Manufahi.

PSC rua nia programa serbisu ba atividade esplorasaun maka iha tinan 2017 to'o 2018 hahú ho atividade leno rai-okos uza teknolojia ne'ebé iha no rekolla dadus iha rai-okos, maibé balun to'o 2019 atu halo estudo iha munisípiu rua.

Dadus sira ne'e empreza rua apresenta ba ANPM nu'udar autoridade reguladora ba atividade hotu liga ho asuntu petróleu no minerál iha Timór laran no sira hatama proposta mai posu poténsia atu sai posu halo perfurasaun iha fatin lima iha Covalima.

Hosi fatin lima, ANPM decide fura mina-matan iha fatin tolu uluk, maibé bainhira sujeita no deskobre buat ruma, maka sei fura mós posu rua tan, enkuantu autoridade nafatin akompaña atividade estudo ne'e.

Timor Resources hetan lisensa ambientál molok halo perfurasaun

Tuir planu Timor Resources sei halo perfurasaun mina-matan iha rai-maran iha parte Suai no Same, ne'ebé sei foku uluk ba posu dahuluk hanaran Feto Kmaus lokaliza iha Tabako Klo'ot Covalima, ho durasaun instalasaun no perfuransaun kuaze loron 40, hafoin atividade ne'e realiza maka muda fali ba posu daruak lokaliza iha aldeia Sanfuc, suku Camenaça, postu administrativu Suai Villa, munisípiu Covalima.

Antes halo atividade perfurasaun, iha loron 06 jullu 2021, Governu liuhosi Ministériu Petróleu no Minerál (MPM) no ANPM atribui lisensa ambientál atu halo perfurasaun dahuluk iha área *onshore exploration drilling contract* iha área PSC TL-OT-17-08, ho kategoria A, ba empreza Timor Resources PTY, Ltd hodi bele halo perfurasaun mina-matan iha rai-maran Kosta Súl.

Desizaun atribuisaun ne'e, liuhosi ekipa alta autoridade avaliasaun impaktu ambientál kompostu hosi liña ministeriál hanesan, MPM, Ministériu Obra Públika (MOP), Ministériu Agrikultura no Peska (MAP), Ministériu Administrasaun Estatál (MAE), Sekretaria Estadu Ambiente (SEA) ne'ebé antes ne'e halo ona avaliasaun no estudo tékniku ambientál.

Timor Resoruces ho Timor Resources ho Timor Gap iha bloku rua iha Covalima no Manufahi, sai hanesan teste ida mai Timor-Leste atubele dezenvolve indústria petrolífera iha rai-maran atu benefisia ein termu ekonómiku ba Estadu no povu.

Jornalista : Celestina Teles

Editór : Cancio Ximenes

PM Taur lansa perfurasaun mina iha Covalima



Primeiru-Ministru, Taur Matan Ruak, halo lansamentu perfurasaun mina-matan iha rai-maran ba dahuluk, iha posu Feto Kmaus iha munisípiu Covalima. Imajen Tatoli/Jogerjo Guterres.

COVALIMA, 27 outubru 2021 (TATOLI)—Primeiru-Ministru, Taur Matan Ruak, kuarta ne'e halo lansamentu perfurasaun mina-matan iha rai-maran ba dahuluk, iha posu Feto Kmaus iha munisípiu Covalima.

Kompañia ne'ebé halo perfurasaun mina posu Feto Kmaus ne'e mak Kompañia Timor Resources ho nia parseiru Timor GAP.

“Ha'u agradese ba apoiu hotu inan-aman no komunidade sira fó molok ita to'o iha ne'e, ita iha prosesu lubuk ida maka ita la'o ona. Ita-nia lia-na'in sira realiza rituál hodi husu matak malirin ba ita-nia bei'ala sira fo kbi'it ba ita iha ita nia jornada,” Primeiru-Ministru, Taur Matan Ruak, hateten liuhosi diskursu iha Aeroporto Internasional Kay Rala Xanana Gusmão, kuarta ne'e.

Xefe Governu ne'e hateten, iha 'seremonia kultural' perfurasaun mina-matan iha rai-maran ne'e iniciativa hosi Konselu Veteranu sira organiza di'ak tebes hodi husu matak malirin.

“Ita sei moris, ita sei deve sira. Ita-nia Nasaun deve sira. Se laiha sira, dala ruma Indonézia mak sei ukun ita. Lori sira, ita moris no nasaun moris. Parabéns ba esforsu sira-ne'e,” nia hateten.

Tanba, nia dehan, indústria petrolífera, indústria ne'ebé mak envolve risku ema-nia vida no ambientál la'ós risku ba ema no ambiente, tuir risku kredibilidade própriu nasaun nian fo apoiu ba malu importante loos.

“Ha'u husu administradór atu mantein nafatin mobilizasaun ne'e hodi apoiu kompañia sira-ne'ebé mak opera, Timor Recources ho Timor GAP, tanba sira sakrifika sira-nia an no sira-nia tempu no vida ba ita hotu nia di'ak,” Taur hateten.

Iha serimonia perfurasaun mina Posu Feto Kmaus ne'e partisipa hosi Membru Governu, Veteranu sira, entidade relevante no komunidade Covalima.

Hahú peskiza iha tinan 2017

Iha tinan 2017, ekipa konjunta hosi Timor Gás no Petróleu, Empreza Públika (Timor GAP, E.P) no empreza australiana Timor Resources, Pty Ltd hahú halo peskiza jeolójiku no estudu iha bloku rua no estudu sira seluk.

Enkuantu iha outubru 2018 hala'o teste sízmiku sira iha bloku A, ne'ebé empreza uza ona sistema vibroseis hanesan alternativu ida atu kontrola hosi teste sízmiku sira, enkuantu bloku C hala'o ona teste iha outubru 2018 iha zona Betano (entre Alas ho Hatudu) ho teste vibroseis.

Perfurasaun posu rua iha bloku A, idai-dak hosi perfurasaun iha shallow-field to'o metru 2.000 ho ninia kalkulasaun kustu serbisu to'o milau \$35.

Tuir planu, perfurasaun mina-matan lima iha rai-maran iha área Suai-Covalima no Betano-Manufahi, ba dahuluk realiza iha Covalima no bainhira susesu ho produsaun mina maka sei kontinua ba kontinua ba posu ida iha Foho Ailiku (baliza entre Same ho Ainaro).

Bloku A iha munisípiu Covalima no Maliana no Bloku C iha munisípiu sira Manufahi no Ainaro, ne'ebé halo parte ona iha rejime hosi kontratu sira partilla ho Timor Resources, ne'ebé halo parte hosi Nepean Group.

Bloku B ba Timor GAP, E.P Onshore Block, ne'ebé hanesan subsidiáriu ida hosi empreza públika petrolífera Timor-Leste.

Iha projetu ne'e, Timor GAP, E.P mak eskuzivu 100% hanesan operadór ne'ebé sei konvida operadór petrolífera hodi partisipa iha projetu perfurasaun rai-maran.

Planu inisiál ba projetu perfurasaun rai-maran ba tinan-hitu, ne'ebé esplorasaun prévia liuhosi peskiza tinan rua, hosi tinan daruak ba datoluk hahú ho perfurasaun, tinan dahaat kompleta estudu hosi kapasidade sira no, nune'e bainhira planu hotu la'ó tuir predisaun maka tinan dalimak ba oin iha possibilidade hahú esplorasaun.

Kontratu partilla produsaun iha bloku rua

Antes realiza projetu mina no gás iha Tasi Mane inklui perfurasaun mina-matan iha rai-maran ne'e, Autoridade Nasionál Petróleu no Minerál (ANPM) prepara ona kontratu partilla produsaun rua, ida iha munisípiu Covalima no seluk iha Manufahi, ne'ebé bloku iha Covalima iha nível avansadu ne'ebe hahu ona perfurasaun.

Enkuantu, atividade iha bloku Manufahi la'ó ona no téniku hosi Timor Resources no Timor GAP, E.P halo estudu potencialidade mina iha área identifikadu rua.

Iha tinan 2015, liuhosi Konsellu Ministru hasai rezolusaun ne'ebé fó dalan ba Timor GAP, E.P hanesan empreza estatál ba mina, atubele buka parseiru, tanba ne'e iha tinan 2016 konsege lori Timor Resources hodi ko'alia ho Governu hanesan parseiru ba projetu petrolífera.

Parte rua hanesan parseiru fahe partisipasaun (asaun) 50% no hosi parseria maka to'ó ikus selebra kontratu produsaun hanaran Product Sharing Contract (PSC) lokaliza iha Covalima no Manufahi.

PSC rua nia programa serbisu ba atividade esplorasaun maka iha tinan 2017 to'ó 2018 hahú ho atividade leno rai-okos uza teknolojia ne'ebé iha no rekolla dados iha rai-okos, maibé balun to'ó 2019 atu halo estudu iha munisípiu rua.

Dadus sira ne'e empreza rua apresenta ba ANPM nu'udar autoridade reguladora ba atividade hotu liga ho asuntu petróleu no minerál iha Timór laran no sira hatama proposta mai posu poténsia atu sai posu halo perfurasaun iha fatin lima iha Covalima.

Hosi fatin lima, ANPM decide fura mina-matan iha fatin tolu uluk, maibé bainhira sujeita no deskobre buat ruma, maka sei fura mós posu rua tan, enkuantu autoridade nafatin akompaña atividade estudu ne'e.

Timor Resources hetan lisensa ambientál molok halo perfurasaun

Tuir planu Timor Resources sei halo perfurasaun mina-matan iha rai-maran iha parte Suai no Same, ne'ebé sei foku uluk ba posu dahuluk hanaran Feto Kmaus lokaliza iha Tabako Klo'ot Covalima, ho durasaun instalasaun no perfuransaun kuaze loron 40, hafoin atividade ne'e realiza maka muda fali ba posu daruak lokaliza iha aldeia Sanfuc, suku Camenaça, postu administrativu Suai Villa, munisípiu Covalima.

Antes halo atividade perfurasaun, iha loron 06 jullu 2021, Governu liuhosi Ministériu Petróleu no Minerál (MPM) no ANPM atribui lisensa ambientál atu halo perfurasaun dahuluk iha área *onshore exploration drilling contract* iha área PSC TL-OT-17-08, ho kategoria A, ba empreza Timor Resources PTY, Ltd hodi bele halo perfurasaun mina-matan iha rai-maran Kosta Súl.

Desizaun atribuisaun ne'e, liuhosi ekipa alta autoridade avaliasaun impaktu ambientál kompostu hosi liña ministeriál hanesan, MPM, Ministériu Obra Públika (MOP), Ministériu Agrikultura no Peska (MAP), Ministériu Administrasaun Estatál (MAE), Sekretaria Estadu Ambiente (SEA) ne'ebé antes ne'e halo ona avaliasaun no estudu tékniku ambientál.

Timor Resoruces ho Timor Resources ho Timor Gap iha bloku rua iha Covalima no Manufahi, sai hanesan teste ida mai Timor-Leste atubele dezenvolve indústria petrolífera iha rai-maran atu benefisia ein termu ekonómiku ba Estadu no povu.

Jornalista : Celestina Teles

Editór : Cancio Ximenes